



საქართველოს მთავრობის განკარგულება

№217 2021 წლის 11 თებერვალი ქ. თბილისი

საზოგადოებრივი დაინტერესების პირად განსაზღვრული სახელმწიფოს
წილობრივი მონაწილეობით მოქმედი საწარმოებისა და ამ საწარმოების
წილობრივი მონაწილეობით მოქმედი საწარმოების მიერ ანგარიშგების
წარდგენის ვადების განსაზღვრის შესახებ

1. „საქართველოს მთავრობის სტრუქტურის, უფლებამოსილებისა და
საქმიანობის წესის შესახებ“ საქართველოს კანონის მე-5 მუხლის „კ“
ქვეპუნქტის შესაბამისად, სახელმწიფოს წილობრივი მონაწილეობით
მოქმედმა საწარმოებმა და ამ საწარმოების წილობრივი მონაწილეობით
მოქმედმა საწარმოებმა, რომლებიც კანონმდებლობის შესაბამისად
განსაზღვრულნი არიან საზოგადოებრივი დაინტერესების პირად:

ა) აუდიტირებული ფინანსური და სხვა სახის ანგარიშგებები
საქართველოს ფინანსთა სამინისტროს სისტემაში შემავალ სახელმწიფო
საქვეუწყებო დაწესებულებას – ბუღალტრული აღრიცხვის, ანგარიშგებისა და
აუდიტის ზედამხედველობის სამსახურს (შემდგომში – ბუღალტრული
აღრიცხვის, ანგარიშგებისა და აუდიტის ზედამხედველობის სამსახური)
წარუდგინონ საანგარიშგებო პერიოდის მომდევნო წლის 1 ივლისამდე,
კანონმდებლობით დადგენილი წესით;

ბ) არააუდიტირებული ფინანსური და სხვა სახის ანგარიშგებები ბუღალტრული აღრიცხვის, ანგარიშგებისა და აუდიტის ზედამხედველობის სამსახურს წარუდგინონ საანგარიშგებო პერიოდის მომდევნო წლის 1 აპრილამდე, კანონმდებლობით დადგენილი წესით.

2. ეთხოვოთ მუნიციპალიტეტების წილობრივი მონაწილეობით მოქმედ საწარმოებსა და ამ საწარმოების წილობრივი მონაწილეობით მოქმედ საწარმოებს, რომლებიც კანონმდებლობის შესაბამისად განსაზღვრულნი არიან საზოგადოებრივი დაინტერესების პირად, ამ განკარგულების პირველი პუნქტით გათვალისწინებული ანგარიშგებების წარდგენა ბუღალტრული აღრიცხვის, ანგარიშგებისა და აუდიტის ზედამხედველობის სამსახურში უზრუნველყონ ამ განკარგულების პირველი პუნქტით გათვალისწინებულ ვადებში, 2020 წლისა და მომდევნო წლების საანგარიშო პერიოდებზე.

3. ამ განკარგულების პირველი პუნქტით განსაზღვრული პირების მიერ 2020 წლისა და მომდევნო წლების საანგარიშგებო პერიოდებზე ანგარიშგებების წარდგენა განხორციელდეს ამ განკარგულების პირველი პუნქტით განსაზღვრულ ვადებში.

პრემიერ-მინისტრი



გიორგი გახარია